

EGUNEKO AHOLKUA

24. AHOLKUA: BARATZEZAINZA AHOLKUAK. LABORE ERROTazioAK EGITEKO NOLA EGIN

Labore errotazioak egiteko, landare-espezie ezberdinak txandakatzen ditugu lur eremu berean, sasoiaren arabera, elikatzeko behar desberdinak dituzten barazkiak, alegia.

Honela, lurra agortzea saihesten dugu, lurreko elikagaiak modu orekatuagoan aprobetxatzen baitira, eta gaitzak edo izurriteak bertan denbora luzean geratzeko aukera ere murrizten da.


Errotazio hauek hainbat modutan egin daitezke eta horregatik, hemen errazenak eta arruntenak azalduko ditugu.

Gure lursaila 4 lurzati berdinetan zatituko dugu errotazioak egiteko eta lurzati bat gehituko diogu, urte anitzeko landaketak egiteko (orburuak, marrubiak, zainzuriak...) hauek ez baititugu errotazioetan sartuko baina, behin ziklo produktiboa amaitutakoan, tokiz aldatu beharko ditugu. Urte anitzeko landaketentzat lurzati oso bat gordetzea nahi ez badugu, beste lurzatietan landatuko ditugu baina, hauek ertzetan landatuko ditugu.

Errotazioak egiterakoan, oinarrizko araua da alderdi desberdinak kontuan izanez, kontrako ezaugarriak dituzten barazkiak txandakatu beharra: elikagaien beharrak, sustrai motak, izurriteak... Hona hemen hain konplikatuak ez izategatik gehien erabiltzen diren errotazio motak.


Elikagai-beharren arabeko errotazioak

Errotazioak modu egokian egiten ez baditugu, izan dezakegun arazorik handienetakoa elikagaien gabezia izango da. Hori dela eta, gure lurzattia gure barazkiek dituzten elikagai premien edo beharren arabera antolatuko dugu. Lekadunak jarri ditugun lurzatian (hainbat bakterien laguntzaz lurra elikatzeko gai dira familia honetako landareak) hurrengo urtean eskakizun handiagodun landareak jarriko ditugu: tomatea, kuiak edo porruak adibidez. Era honetan egiten badugu, lurzati guztiak ez ditugu urtero ongarriztatu beharko, gehien behar dutenak ongarriztatuko ditugu soilik.



Familien araberako errotazioak

Errotazioekin gehiegi ez konplikatzeko, beste aukera bat familien araberako errotazioak egitea da. Oro har, familia bereko barazkiek elikagaiei, zati jangarriari, izurritei dagokienez, ezaugarri antzekoak izaten dituzte. Ondorioz, sailkapen mota hau nahiko egokia da. Normalean, lursaila 4-5 lurzatitan.



Informazio iturria: Ekogunea